

Kalaallit Nunaanni Inatsisartut

Grønlands Landsting

Kultureqarnermut, Ilinniartitaanermut, Ilisimatusarnermut Ilageeqarnermullu
Naalakkersuisoq Tommy Marø
/MAANI

Tusagassiuisarnermi akissusaassuseqarnek pillugu Inatsisartut inatsisissaattut siunnersuut pillugu. (UPA 2007/50).

Asasara Tommy Marø,

Tusagassiuisarnermi akissusaassuseqarnek pillugu Inatsisartut inatsisissaattut siunnersuummik (UPA 2007/50) Naalakkersuisut saqqummiussaqrput.

Inatsisissatut siunnersuut Inatsisartut Kultureqarnermut Ilinniartitaanermullu Ataatsimiititaliaata ulloq 14. marts 2007-imi misissorpaa. Naalakkersuisut siunnersuutikkut anguniagaat siunertarisaallu Inatsisartuni partiinit tamanit tapersorsorneqartut ataatsimiititaliap maluginiarpaa.

Tusagassiuisarnermi akissusaassuseqarnek pillugu Inatsisartut inatsisissaattut siunnersuummut (UPA2007/50) atatillugu ulloq 11. marts ataatsimiititaliaq Naalakkersuisunut ilaasortamik ataatsimeeqateqarpoq, nuannaarutigalugulu paasillugu ataatsimiititaliaq allanik apeqqutissaqarpat Naalakkersuisunut ilaasortaq ikiuukkumasoq.

Inatsisartut Kultureqarnermut Ilinniartitaanermullu Ataatsimiititaliaata siunnersuummik suliarinninnerminut atatillugu Naalakkersuisunut ilaasortamut arlalinnik oqaaseqaatissaqarlunilu apeqqutissaqarpoq.

Siunnersuummik aappassaaneerinninnginnermi Tusagassiutit pillugit Aalajangiisartut suliaat allattoqarnikkullu isumagineqarnerat eqqarsaatigalugu allaffissornikkut aningaasaqarnikkullu kingunerisassat erseqqissarneqarnissaat pisariaqartoq ataatsimiititaliaq isumaqarpoq.

Aningaasatigut allaffissornikkullu pisortanut sunniutaasut pillugit nalinginnaasumik nassuiaatini immikkoortumi allassimavoq: "Siunnersuutip aningaasatigut allaffissornikkullu Namminersornerullutik Oqartussanut imaluunniit kommuninut sinniuteqarnissaa naatsorsuutigineqanngilaq."

Tamatumunnga atatillugu Tusagassiutit pillugit Aalajangiisartut allaffissornikkut kiffartuunneqarnerat sumut inissineqassanersoq, tamannalu ukioq naallugu sulisorisat amerlineqarnissaannik pisariaqartitsilissanersoq Naalakkersuisunut paasissutissiissutigeqquneqarpoq.

Ulloq/Dato:
22. marts 2007
Sags.nr.
01.39.01.29
Inatsisartu4
Allattoqarfiat /
Landstingets Bureau
Postboks 1060
3900 Nuuk
Oq/tel +299 34 50 00
Fax +299 32 46 06
Landstinget@gh.gl
www.nanoq.gl

Aammalu Tusagassiuutit pillugit Aalajangiisartut sulinerat qanoq aningaasartuuteqarfiussanersoq (allaffissornikkut kiffartuussineq ilanngullugu) kiisalu siunnersuummi § 52, imm. 3 naapertorlugu tusagassiorfiit aningaasartuutit taakkuninnga akileeqquneqassanersut Naalackersuisunit paasissutissiissutigeqquneqarpoq.

Tusagassiuarnermi akissussaassuseqarnek pillugu inatsimmi taamaattoqaraluartoq siunnersuummi inatsisitigut inuttut naatsorsuunneqarsinnaasut pinerluttaalisitsinikkut akissussaassuseqarnerat pillugu aalajangersakkani (§§ 15, 23 aamma 53) peqatigiiffiit, suliffeqarfiit imminnut pigisut aningaasaateqarfiillu ersarissumik taaneqanngitsut ataatsimiititaliamit oqaatigineqassaaq. Taamaaliornikkut inatsisitigut maanna inissisimanerup allannguuteqarnissaa anguniarneqartoq ataatsimiititaliap naatsorsuutiginnigilaa, pissutsilli tamatuma Naalackersuisunit inatsisitigut nassuiarneqarnissaa qilanaarineqarpoq.

Oqallittarfiit nutaat, soorlu internettikkut quppersakkat, internet atorlugu oqaloqatigiittarfiit (chatrooms) aamma oqallittarfiit siunnersuummi aamma isummerfigineqarnissaat ataatsimiititaliap aamma pingaartippaa. Assersuutigalugu partiit nittartagaat tusagassiuarnermi akissussaassuseqarnek pillugu inatsimmi akissussaassuseqarnermut maleruagassani ilaatinneqartariaqarnersut pillugu nassuiaat kiisalu Naalackersuisut tamatuminnga inatsisitigut naliliinissaat ataatsimiititaliap qilanaaraa.

Internettikkut oqalliffiit quppersakkallu inatsimmut ilaatinneqassanngippata suliassaqarfik taanna pillugu immikkut aalajangiisarfilerlugu immikkut inatsisiliornissaaq Naalackersuisunit tulluurtuusorineqarpa?

Tusagassiorlut Peqatigiiffiata siulittaasuanit, Mariia Simonsenimit allakkat nuutinneri ataatsimiititaliap ilannguppai. Tusagassiorlut Peqatigiiffiata isummersuutitut saqqummiusnaanut Naalackersuisut qanoq oqaasissaqarpat?

Siunnersuutip ataatsimiititaliami Inatsisartunilu suliarineqarneranut Naalackersuisut allanik ilanngussassaqarunik aamma taakku allaganngorlugu ataatsimiititaliamut akissuteqaammut ilanngunneqarsinnaapput.

Naalackersuisut akissuteqaataat ataatsimiititaliap isumaliutissiissutaanut ilanngunneqarsinnaaqqullugit allakkatigut kalaallisut danskisullu akissuteqaatit kingusinnerpaamik ulloq 27. marts 2007-imi tiguneqarsimanissaat ataatsimiititaliamit naatsorsuutigineqarpoq. Naalackersuisunut ilaasortap akissuteqaataa uunga nassuteqquneqarpoq: ahni@gh.gl

Inussiarnersumik inuulluaqqusillunga

Juliane Henningsen,
Ataatsimiititaliap siulittaasua